



**ПРАВОСЛАВНЫЙ
МОЛИТВОСЛОВ**
крупным шрифтом



Издательство Московской Патриархии
Русской Православной Церкви
2017

УДК 27-528
ББК 86-372
П68

Рекомендовано к публикации
Издательским Советом
Русской Православной Церкви
ИС Р17-

Православный молитвослов крупным шрифтом. —
П68 М.: Издательство Московской Патриархии Русской
Православной Церкви, 2017. — 280 с.

ISBN 978-5-88017-601-4

© Издательство Московской
Патриархии Русской
Православной Церкви, 2017



МОЛИТВЫ УТРЕННИЕ*

Востав от сна, прежде всякого другого дела, стань благоговейно, представляя себя пред Всевидящим Богом, и, совершая крестное знамение, произнеси:

Во имя Отца, и Сына, и Святаго Духа. Аминь.

Затем немного подожди, пока все чувства твои не придут в тишину и мысли твои не оставят всё земное, и тогда сотвори три поклона с молитвой:

Боже, милостив буди мне грешному.

И читай следующие молитвы, без поспешности и со вниманием сердечным.

* В пасхальную седмицу вместо утренних и вечерних молитв читаются часы Пасхи.

Молитва предначинательная

Господи Иисусе Христе, Сыне Божий, моли́тв ради Пречистыя Твоея́ Матере и всех святых, помилуй нас. Ами́нь.

Сла́ва Тебе́, Бо́же наш, сла́ва Тебе́.

*Молитва Святому Духу**

Царю́ Небесный, Утешителю, Ду́ше истины, И́же везде сый и вся исполня́яй, Сокробище бла́гих и жи́зни Подателю, прииди́ и всели́ся в ны, и очисти ны от всякия сквэрны, и спаси́, Бла́же, ду́ши на́ша.

* От недели Фоминой до Вознесения вместо этой молитвы читается тропарь:

Христос воскрес из мертвых, смертию смерть поправ и сущим во гробех живот даровав. Трижды.

От Вознесения до Троицы после предначинательной молитвы Господи Иисусе Христе... сразу читается Святы́й Бо́же...

Трисвято́е

Святы́й Бо́же, Святы́й Кре́пкий, Святы́й Безсме́ртный, помилуй нас. Трижды, и три поклона.

Сла́ва Отцу́, и Сы́ну, и Свято́му Ду́ху, и ны́не и прісно, и во ве́ки веко́в. Ами́нь.

Молитва ко Пресвятой Троице

Пресвята́я Трѳице, помилуй нас: Господи, очисти грехи́ на́ша; Влады́ко, прости́ беззакония на́ша; Святы́й, посети́ и исцели́ немо́щи на́ша, и́мене Твоего́ ради.

Господи, помилуй. Трижды.

Сла́ва, и ны́не:*

* Когда написано: «Сла́ва:», следует читать: Сла́ва Отцу́, и Сы́ну, и Свято́му Ду́ху; «И ны́не:» — И ны́не и прісно, и во ве́ки веко́в. Ами́нь. Соответственно, «Сла́ва, и ны́не:» читается полностью: Сла́ва Отцу́, и Сы́ну, и Свято́му Ду́ху, и ны́не и прісно, и во ве́ки веко́в. Ами́нь.

Молитва Господня

Отче наш, Иже еси на Небесех, да святится имя Твое*, да придет Царствие Твое, да будет воля Твоя, яко на Небесих, и на земли. Хлеб наш насущный даждь нам днесь; и остави нам долги наша, якоже и мы оставляем должником нашим; и не введи нас во искушение, но избави нас от лукаваго.

Тропарі Троицны

Воставше от сна, припадаем Ти, Блаже, и ангельскую песнь вопиём Ти, Сильне: Свят, Свят, Свят еси, Боже, Богородицею помилуй нас.

* Читая церковнославянский текст, следует произносить слова так, как они напечатаны: «твое», а не «тваё»; «зовём», а не «завём»; «рождённаго», а не «раждённава», и т.д. Звук ё в церковнославянском языке отсутствует.

Слава:

От одра и сна воздвигл мя еси, Господи, ум мой просвети и сердце, и устне мои отверзи, во еже пети Тя, Свята́я Троице: Свят, Свят, Свят еси, Боже, Богородицею помилуй нас.

И ныне:

Внезапу Судия́ приидет, и коегждо деяния обнажатся, но страхом зовём в полунощи: Свят, Свят, Свят еси, Боже, Богородицею помилуй нас.

Господи, помилуй. 12 раз.

Молитва ко Пресвятой Троице

От сна востав, благодарю Тя, Свята́я Троице, яко многия ради Твоея́ бла́гости и долготерпёния не прогневался еси на мя, лениваго

и грѣшнаго, ниже погубил мя еси со беззаконными моими, но человеколюбовствовал еси обычно и в нечаянии лежащаго воздвигл мя еси, во еже утреневати и славословити державу Твою. И ныне просвети мои очи мысленныя, отверзи моя уста, поучатися словесем Твоим, и разумети заповеди Твоя, и творити волю Твою, и пети Тя во исповедании сердечном, и воспевати всесвятое имя Твое, Отца, и Сына, и Святаго Духа, ныне и присно, и во веки веков. **Аминь.**

Приидите, поклонимся Цареву нашему Богу. *Поклон.*

Приидите, поклонимся и припадём Христу, Цареву нашему Богу. *Поклон.*

Приидите, поклонимся и припадём Самому Христу, Цареву и Богу нашему. *Поклон.*

Псалом 50

Помилуй мя, Боже, по велицей милости Твоей, и по множеству щедрот Твоих очисти беззаконие мое. Наипаче омий мя от беззакония моего, и от греха моего очисти мя; яко беззаконие мое аз знаю, и грех мой предо мною есть вина. Тебе единому согреших, и лукавое пред Тобою сотворих; яко да оправдишися во словесех Твоих, и победиши, внегда судити Ти. Се бо в беззаконных зачат есмь, и во гресех роди мя мати моя. Се бо истину возлюбил еси,

безвѣстная и тайная премудрости Твоея явил ми еси. Окропиши мя иссопом, и очыщуся; омыеши мя, и паче снега убелюся. Слуху моему даши радость и веселие; возрадуются кости смиренныя. Отврати лице Твое от грех моих, и вся беззакония моя очисти. Сердце чисто созижди во мне, Боже, и дух прав обнови во утробе моей. Не отвержи мене от лица Твоего, и Духа Твоего Святаго не отыми от мене. Воздаждь ми радость спасения Твоего, и Духом Владычним утверди мя. Научу беззаконныя путем Твоим, и нечестивии к Тебе обратятся. Избави мя от кровей, Боже, Боже спасения моего; возрадуется язык мой правде Твоей. Господи,

устне мои отверзеши, и уста моя возвестят хвалу Твою. Яко аще бы восхотел еси жертвы, дал бых убо: всесожжения не благоволиши. Жертва Богу дух сокрушен; сердце сокрушенно и смиренно Бог не унижит. Ублажи, Господи, благоволением Твоим Сиона, и да созиждутся стены Иерусалимския. Тогда благоволиши жертву правды, возношение и всесожегаемая; тогда возложат на олтарь Твой тельцы.

Символ веры

Вѣрую во единого Бога Отца, Вседержителя, Творца Небу и земли, видимым же всем и невидимым. ²И во единого Господа

Иисуса Христа, Сына Божия, Единороднаго, Иже от Отца рожденнаго прежде всех век; Света от Света, Бoga истинна от Бoga истинна, рожденна, несотворенна, единосущна Отцу, Имже вся быша. ³ Нас ради человек и нашего ради спасения сшедшаго с Небес, и воплотившагося от Духа Свята и Марии Девы, и вочеловечшася. ⁴ Распятаго же за ны при Понтийстем Пилате, и страдавша, и погребенна. ⁵ И воскресшаго в третий день, по Писанием. ⁶ И возшедшаго на Небеса, и сидяща одесную Отца. ⁷ И паки грядущаго со славою судити живым и мертвым, Егоже Царствию не будет конца. ⁸ И в Духа Святаго, Господа, Животворящаго, Иже от

Отца исходящаго, Иже со Отцем и Сыном спокланяема и славима, главолава пророки. ⁹ Во едину Святую, Соборную и Апостольскую Церковь. ¹⁰ Исповедую едино Крещение во оставление грехов. ¹¹ Чаю воскресения мертвых, ¹² и жизни будущаго века. Аминь.

*Молитва 1,
святого Макария Великого*

Боже, очисти мя грешнаго, яко николиже сотворих благое пред Тобою, но избави мя от лукаваго, и да будет во мне воля Твоя, да неосужденно отверзу уста моя недостойная и восхвалю имя Твое святое, Отца, и Сына, и Святаго Духа, ныне и присно, и во веки веков. Аминь.

Молитва 2, того же святого

От сна воста́в, полунощную песнь приношу́ Ти, Спа́се, и припа́дая вопи́ю Ти: не даждь ми усну́ти во грехо́вней сме́рти, но ущэ́дри мя, распный́ся во́лею, и лежа́щаго мя в ле́ности ускори́в возста́ви, и спаси́ мя в предсто́янии и моли́тве, и по сие но́щнем возсия́й ми день безгре́шен, Христе́ Бо́же, и спаси́ мя.

Молитва 3, того же святого

К Тебе́, Влады́ко Человеколю́бче, от сна воста́в, прибега́ю, и на дела́ Твоя́ подвиза́юся милосэ́рдием Твои́м, и молю́ся Тебе́: помози́ мне на вся́кое вре́мя, во вся́кой ве́щи, и изба́ви мя от вся́кия

мирска́я злы́я ве́щи и диа́вольскаго поспешэ́ния, и спаси́ мя, и ве́ди в Ца́рство Твое́ ве́чное. Ты́ бо еси́ мой Сотвори́тель и вся́кому бла́гу Промы́сленник и Пода́тель, о Тебе́ же все упова́ние моё, и Тебе́ сла́ву возсыла́ю, ны́не и при́сно, и во ве́ки веко́в. Ами́нь.

Молитва 4, того же святого

Господи, И́же мно́гою Твое́ю бла́гостию и вели́кими щедро́тами Твои́ми дал еси́ мне, рабу́ Твоему́, мимоше́дшее вре́мя но́щи сея́ без напа́сти прейти́ от вся́каго зла проты́вна; Ты Сам, Влады́ко, вся́ческих Тво́рче, сподо́би мя и́стинным Твои́м све́том и просвещэ́нным сэрдцем твори́ти во́лю Твою́,

ны́не и прѣсно, и во вѣки векѡв.
Амѣнь.

*Молитва 5,
святого Василия Великого*

Господи Вседержителю, Боже Сил и всякия плоти, в вышних живый и на смиренные призирающий, сердца же и утробы испытующий и сокровенная человеков яже предведый, Безначальный и Присносущный Свете, у Негоже несть пременение, или преложения осенение; Сам, Безсмертный Царю, приими моления наша, яже в настоящее время, на множество Твоих щедрот дерзаяще, от скверных к Тебе устен творим; и остави нам прегрешения наша, яже делом, и словом, и мыслию, ведением или

неведением согрешенная нами; и очисти ны от всякия скверны плоти и духа. И даруй нам бодренным сердцем и трезвенною мыслию всю настоящаго жития ночь прейти, ожидающим пришествия светлаго и явленнаго дне Единороднаго Твоего Сына, Господа и Бога и Спаса нашего Иисуса Христа, воньже со славою Судия всех придет, комуждо отдати по делу его; да не падше и обленившися, но бодрствующе и воздвигени в делании обрящемся готови, в радость и Божественный чертог славы Его совнидем, идеже празднующих глас непрестанный и неизреченная сладость зрящих Твоего лица доброту неизреченную. Ты бо еси

исти́нный Свет, просвещáяй и освящáяй вся́ческая, и Тя поёт вся тварь во вéки векóв. Амíнь.

Молитва 6, того же святого

Тя благословím, Вы́шний Бóже и Гóсподи мýлости, творя́щаго прýсно с нáми вели́кая же и неизслéдованная, слáвная же и ужáсная*, íхже несть числа́, пода́вшаго нам сон во упокоéние нéмоци нáшея и ослаблéние трудóв многотрудныя плóти. Благодарím Тя, я́ко не погубíл еси́ нас со беззакóньми нáшими, но человеколю́бствовал еси́ обы́чно, и в нечáянии лежáция ны воздв́игл еси́, во éже славослóвити держáву Твою́.

* *Ужáсная* — изрядная.

Тéмже мо́лим безме́рную Твою́ бла́гость: просветí нáша мýсли, очеса́, и ум наш от тяжкаго сна лéности возста́ви; отвéрзи нáша уста́ и испóлни я́ Твоего́ хвалéния, я́ко да возмо́жем непоколеблемо пéти же и исповéдатися Тебé, во всех и от всех слáвимому Бóгу, Безначáльному Отцý, со Единорóдным Твои́м Сы́ном, и Всесвяты́м, и Благíм, и Животворя́щим Твои́м Дýхом, ны́не и прýсно, и во вéки векóв. Амíнь.

Молитва 7,

ко Пресвятой Богородице

Воспева́ю благода́ть Твою́, Влады́чице, молю́ Тя, ум мой облагодатí. Ступáти пра́во мя наста́ви, путём Христóвых за́поведей.

Бдѣти к пѣсни укрѣпѣ, унѣнія сон отгоняющи. Свя́зана пленѣ́цами* грехопадѣний, мольба́ми Твоѣ́ми разреши́, Богоневѣсто. В но́щи мя и во дни сохра́няй, борю́щих враг избавля́ющи мя. Жизнода́теля Бо́га ро́ждшая, умерщвлѣ́на мя страстьми́ оживѣ́й. Я́же Свет невечѣ́рний ро́ждшая, ду́шу мою́ ослѣпшую просветѣ́й. О дѣ́вная Влады́чняя па́лато, дом Ду́ха Божѣ́ственна мене́ сотвори́. Врача́ ро́ждшая, уврачу́й ду́ши моея́ многолѣ́тныя стра́сти. Волну́ющаяся житѣ́йскою бу́рею, ко стезѣ́ мя пока́яния напра́ви. Изба́ви мя огня́ вѣ́чнующаго, и че́рвия же зла́го, и та́ртаря. Да мя не явѣ́ши бесо́м ра́дование, и́же

* Пленѣ́цами — узами.

мно́гим грехо́м повѣ́нника. Но́ва сотвори́ мя, обетша́вшаго нечу́вственными, Пренепоро́чная, согрѣ́шении. Стра́нна му́ки всякия покажи́ мя, и всех Влады́ку умоли́. Небе́сная ми уллучи́ти весѣ́лия, со все́ми святы́ми, сподо́би. Пресвята́я Дѣ́во, услы́ши глас непо́требнаго раба́ Твоего́. Струю́ дава́й мне слеза́м, Пречы́стая, ду́ши моея́ скверну́ очища́ющи. Стенáния от се́рдца приношу́ Ти непреста́нно, усердствуй, Влады́чице. Молѣ́бную службу́ мою́ приими́ и Бо́гу благоутро́бному принеси́. Превы́шшая А́нгел, мирска́го мя превы́шша слѣ́тня сотвори́. Светоно́сная се́не Небе́сная, духо́вную благода́ть во мне напра́ви. Ру́це возде́ю